

Sveučilište/Univerzitet „Vitez“ Vitez

Fakultet pravnih nauka



PRAVILA TAKMIČENJA

Sve prijavljene ekipe moraju imati mentora – profesora iz srednje škole. Tri člana/učenika čine jednu ekipu. Komisija od 5 članova (profesori i viši asistenti s Fakulteta pravnih nauka Sveučilišta/Univerziteta „VITEZ“ Vitez) nadgleda regularnost takmičenja i buduće retoričke vještine i kvalitetu urađene PowerPoint prezentacije.

Datum održavanja takmičenja: 13.04.2019. (subota) u 12:00 sati u prostorijama S/U "VITEZ".

PRVA (I) FAZA TAKMIČENJA

Tri takmičara (članovi ekipe) pod nadzorom mentora, anketiraju učenike I, II, III i IV razreda srednje škole (po jedno odjeljenje I, II, III i IV razreda). Pri tome koriste *Anketni upitnik 1 – „Gdje leži Vaša inteligencija učenja?“* i *Anketni upitnik 2 – „Koji je Vaš stil učenja?“*. Svaki učenica ili učenik I, II, III i IV razreda popunjavaju oba anketna upitnika. Nakon što su se prikupili popunjeni anketni upitnici, statistički se obrađuju anketni upitnici po svakom razredu, te se izvode zaključci za cijelu školu. Važno je odgovoriti na pitanja: 1.) *Koji stil učenja prevladava u (mojoj) školi?* i 2.) *U kojem obliku se manifestira inteligencija učenja u (mojoj) školi?*

DRUGA (II) FAZA TAKMIČENJA

Izrada PowerPoint prezentacije na temu „*Stilovi učenja i vrste inteligencije u Srednjoj školi _____ (naziv škole)*“. Sadržaj prezentacije treba da se zasniva na rezultatima do kojih se došlo kroz statističku obradu anketnih upitnika.

U prezentaciji bi bilo korisno odgovoriti na sljedeća pitanja:

- 1.) Koje je pojmovno određenje inteligencije?
- 2.) Koje je pojmovno određenje stilova učenja?
- 3.) Na koji način je Howard Gardner dijeli vrste inteligencije?
- 4.) Koja imamo tri stila učenja?
- 5.) Koji stilovi učenja prevladavaju u (mojoj) školi?
- 6.) U kojem obliku leži inteligencija učenja srednjoškolaca u (mojoj) školi?
- 7.) Na koji način nas profesori/ce motiviraju za odabir stila učenja?

- 8.) Da li u mom školovanju primjenjujem svoj oblik inteligencije? Na koji način primjenjujem? Objasniti!
- 9.) Koji stilovi učenja postoje prema Ladislavu Bognaru?
- 10.) Da li u (mojoj) školi prevladavaju oblici individualnog ili timskog učenja?

Navedena pitanja su poticaj i smjernica za lakšu i bolju izradu PowerPoint prezentacije. Pored navedenih pitanja, imate pravo i mogućnost da dodatno, samostalno i autonomno odaberete sadržaj i izgled prezentacije. Ne morate se striktno držati pitanja, ali ona su postavljena s ciljem pomoći u izradi PowerPoint prezentacije.

TREĆA (III) FAZA TAKMIČENJA

Dolazak u prostorije Sveučilišta/Univerziteta „VITEZ“ u Travniku, uz prezentaciju svog rada putem PowerPoint prezentacije. Broj slajdova autonomno je pravo mentora i takmičara, dok se trajanje usmene prezentacije ograničava na vremenski rok od najmanje 20 minuta do najduže 30 minuta. Sva tri takmičara moraju sudjelovati u usmenoj prezentaciji.

Svaki član Komisije može dodijeliti od 0-20 bodova. Ocjenjuje se izgled PowerPoint prezentacije i kvaliteta usmene prezentacije - retoričke vještine takmičara.

Maksimalan broj bodova je 100.

Prvoplasirana ekipa osvaja 250 KM, drugoplasirana ekipa osvaja 150 KM, dok trećeplasirani tim dobiva 100 KM.

Sve ekipe (sva tri člana tima + mentor/ica) dobit će certifikat za učešće na takmičenju. Pored toga, prve tri ekipe dobit će certifikat za osvojeno prvo, drugo i treće mjesto.

U Travniku, 2019. godina

dr.sc Mirza Čaušević